



**Tussenresultate Persverklaring vir Remgro Beperk  
(Remgro)**

**REMGRO SE GROOTSTE BELEGGINGS, MET DIE UITSONDERING VAN MEDICLINIC,  
HET GOED PRESTEER**

- **Intrinsieke netto batewaarde per aandeel neem met 5.7%, vanaf R251.48 op 30 Junie 2017 tot R265.84 op 31 Desember 2017, toe**
- **Tussendividend per aandeel vir die tydperk neem met 5.2% tot 204 sent toe**
- **Wesensverdienste, uitgesluit opsie hermeting, neem met 6.2% tot R4.3 miljard toe**
- **Wesensverdienste per aandeel, uitgesluit opsie hermeting, neem met 1.3% tot 754 sent toe**

Ten spyte van die heersende makro-ekonomiese uitdagings het Remgro se wesensverdienste, uitgesluit die opsie hermeting, met 6.2% toegeneem vanaf R4 023 miljoen tot R4 272 miljoen vir die ses maande geëindig 31 Desember 2017. Die toename was hoofsaaklik as gevolg van die goeie resultate van RCL Foods, Total SA, RMI Holdings en hoër finansieringsinkomste, wat teengewerk is deur 'n laer bydrae van Mediclinic vir die tydperk onder oorsig. Die meeste van Remgro se beleggings in verbruikersprodukte, nywerheid en infrastruktuur se resultate is steeds deur gedempte makro-ekonomiese toestande tydens die verslagdoeningstydperk geraak.

Vir die tydperk onder oorsig het wesensverdienste met 6.1%, vanaf R4 690 miljoen tot R4 406 miljoen, afgeneem, terwyl wesensverdienste per aandeel (WVPA) met 10.4%, vanaf 867.7 sent tot 777.5 sent, afgeneem het. Ingesluit in wesensverdienste vir die tydperk onder oorsig is 'n positiewe billike waarde aanpassing van R134 miljoen (2016: R667 miljoen) wat verband hou met die afname in waarde van skuldbriefhouers se omruilopsie van die omruilbare skuldbriewe ("opsie hermeting"). Met uitsluiting van die opsie hermeting het WVPA met 1.3%, vanaf 744.3 sent tot 753.9 sent, toegeneem. Die verskil in die afname tussen wesensverdienste en WVPA is toeskryfbaar aan die impak van die regte-uitgifte in die vergelykende tydperk.

Kommentaar op die bydrae van elk van die onderliggende rapporteringskategorieë word in die Redakteur se aantekeninge uiteengesit.

Remgro se intrinsieke netto batewaarde per aandeel het met 5.7%, vanaf R251.48 op 30 Junie 2017 tot R265.84 op 31 Desember 2017, toegeneem. Die sluitingsaandeelprys op 31 Desember 2017 was R236.00 (30 Junie 2017: R213.46), wat 'n diskonto van 11.2% (30 Junie 2017: 15.1%) tot die intrinsieke netto batewaarde verteenwoordig.

Kontant by die kern het met R320 miljoen tot R12 543 miljoen op 31 Desember 2017 toegeneem grootliks as gevolg van dividende van R2 634 miljoen wat ontvang is.

Vir die ses maande geëindig 31 Desember 2017, is 'n tussendividend van 204 sent per aandeel verklaar uit inkomstereserwes ten opsigte van beide die gewone aandele sonder pariwaarde en die ongenoteerde B-

gewone aandele sonder pariwaarde. Dit verteenwoordig 'n 5.2% toename teenoor die tussendividend van 194 sent per aandeel verklaar vir die tydperk geëindig 31 Desember 2016.

Jannie Durand, hoofuitvoerende beamppte van Remgro, sluit af: *“Die politieke veranderinge wat in die middel van Desember 2017 begin het, het gelei tot 'n meer positiewe uitkyk vir Suid-Afrika en Remgro deel hierdie siening. Hierdie algemene optimisme word weerspieël in die versterking van die rand en maatskappye se bereidwilligheid om in die land en sy toekoms te belê. Hopelik sal die verbeterde vooruitsigte vir groei ook die verbruikersvertroue verbeter. Alhoewel verskeie uitdagings bly, sal Remgro voortgaan om sy huidige beleggings te ondersteun en te belê in geleenthede wat aandeelhouerswaarde sal ontsluit.”*

---

**Kontak:** Remgro Beperk  
Jannie Durand (HUB) (021) 888-3253

**Uitgereik en versprei deur:** Keyter Rech Investor Solutions  
Marlize Keyter (083 701 2021)

**Uitreikingsdatum:** 15 Maart 2018

**JSE kode:** REM

**Webwerf:** [www.remgro.com](http://www.remgro.com)

---

## Redakteur se aantekeninge

### Bankwese

Die wesensverdiensbydrae van die bankafdeling het R1 678 miljoen (2016: R1 580 miljoen) bedra, wat 'n toename van 6.2% verteenwoordig. FirstRand en RMH het wesensverdiensgroei van onderskeidelik 6.0% en 6.2% gerapporteer. Op 'n genormaliseerde basis, wat sekere nie-bedryfs- en rekeningkundige afwykings uitsluit, het FirstRand en RMH verdienstegroei van onderskeidelik 7.0% en 7.2% gerapporteer. Hierdie toenames was hoofsaaklik as gevolg van groei in beide netto rente-inkomste, ondersteun deur goeie groei in voorskotte en deposito's, en nie-rente-inkomste weens 'n stewige groei in fooi- en kommissie-inkomste.

### Gesondheidsorg

Mediclinic se bydrae tot Remgro se wesensverdiens bydrae het R487 miljoen (2016: R983 miljoen) bedra wat 'n afname van 50.5% verteenwoordig. Daar moet op gelet word dat die handelsmerk van alle Al Noor-fasiliteite na Mediclinic omgeskakel is en gevolglik sluit Mediclinic se bydrae vir die tydperk onder oorsig 'n versnelde amortisasiekoste van R171 miljoen in ten opsigte van die Al Noor-handelsnaam. Met uitsluiting van die effek van die versnelde amortisasie sou Mediclinic se bydrae tot Remgro se wesensverdiens by met 33.1% vanaf R983 miljoen tot R658 miljoen, afgeneem het. Die versterking van die rand teenoor die Switserse frank, die Britse pond en die Verenigde Arabiese Emirate se dirham het ook 'n negatiewe uitwerking op Mediclinic se bydrae gehad. In Britse pondterme het Mediclinic se bydrae, met uitsluiting van versnelde amortisasie, met 20.4% afgeneem, hoofsaaklik weens 'n swakker vertoning deur die Hirslanden- en die Midde-Oosterse bedryfsafdelings en 'n afname in die geëkwiteerde verdienste van Spire. Hirslanden se vergelykende tydperk sluit ook 'n positiewe verstreke dienskooste-krediet ten bedrae van £10 miljoen in, terwyl Spire se bydrae tot Mediclinic se resultate 'n voorsiening van £7 miljoen insluit wat verband hou met die maandelike skikkingskoste van 'n siviele geding met 'n konsultant wat vroeër praktiserende voorregte by Spire geniet het.

## Verbruikersprodukte

Die bydrae van verbruikersprodukte tot Remgro se wesensverdiensle het R1 140 miljoen (2016: R945 miljoen) bedra, wat 'n toename van 20.6% verteenwoordig. RCL Foods se bydrae tot Remgro se wesensverdiensle het met 56.6% tot R498 miljoen (2016: R318 miljoen) toegeneem. Die toename is hoofsaaklik danksy beter resultate in die hoenderbesigheidseenheid as gevolg van 'n hersiene besigheidsmodel, laer voerpryse en beter realisasies. Op 'n genormaliseerde basis, wat sekere eenmalige items in die vergelykende tydperk uitsluit wat verband hou met die skikking van die Zam Chick- en Zamhatch-verkoopsopsies en koste aangegaan met die implementering van die hersiene hoenderbesigheidsmodel, het RCL Foods wesensverdiensletoegroei van 35.3% gerapporteer. Unilever se bydrae tot Remgro se wesensverdiensle het met 9.5% tot R288 miljoen (2016: R263 miljoen) toegeneem. Hierdie toename was hoofsaaklik te danke aan 'n verbetering in bruto marges as 'n resultaat van kostebeheer. Distell se bydrae tot wesensverdiensle, wat die belegging in Capevin Holdings insluit, het R354 miljoen (2016: R364 miljoen) bedra. Distell se resultate vir die tydperk onder oorsig is negatief beïnvloed deur eenmalige verliese en afskrywings ten bedrae van R78 miljoen by sy geassosieerde Tanzania Distilleries Limited, na 'n *sachet*-verbod en aksynsdispuut. Die vergelykende tydperk het die terugskryf van 'n voorsiening vir rente ten bedrae van R42 miljoen ingesluit wat gemaak is ten opsigte van 'n uitgebreide aksynsdispuut. Distell het wesensverdiensletoegroei van 3.2%, aangepas vir buitelandse wisselkoersbewegings en die voorgenoemde eenmalige items, gerapporteer. Dit was hoofsaaklik gedryf deur 'n 9.3% toename in omset, wat behaal is oor alle streke en kategorieë.

## Versekering

RMI Holdings se bydrae tot wesensverdiensle het met 27.2% tot R626 miljoen (2016: R492 miljoen) toegeneem. Op 'n genormaliseerde basis het RMI Holdings 'n toename van 25.8% in verdiensle gerapporteer, hoofsaaklik danksy die vertonings van Discovery en OUTsurance (uitgesluit Hastings), wat onderskeidelik verdiensletoegroei van 29.5% en 11.3% behaal het. Die sterk vertoning deur Discovery is gedryf deur beide gevestigde en opkomende besighede, terwyl OUTsurance se resultate gedryf is deur Youi se groei in bedryfswins as gevolg van laer natuurlike gevaareise in Australië. Die bydrae deur Hastings is gedeeltelik teengewerk deur die hoër befondsingskoste wat met die verkryging in die vorige jaar gepaardgaan.

## Nywerheid

Total se bydrae tot Remgro se wesensverdiensle het R258 miljoen (2016: R102 miljoen) bedra. Ingesluit in die bydrae tot wesensverdiensle vir die tydperk onder oorsig is gunstige voorraadherwaardasies ten bedrae van R135 miljoen (2016: ongunstige voorraadherwaardasies van R28 miljoen). Hierdie herwaardasies is die gevolg van die onbestendigheid in die Brent ru-olieprys en die randwisselkoers. Uitgesluit dié herwaardasies, het die bydrae met 5.4%, vanaf R130 miljoen tot R123 miljoen, afgeneem, hoofsaaklik weens 'n laer raffineringsmarge, die impak van beplande en onbeplande raffinaderysluitings en 'n swakker ekonomiese klimaat. Remgro se deel van KTH se resultate het R73 miljoen (2016: R58 miljoen) bedra, hoofsaaklik weens laer finansieringskoste as gevolg van die terugbetaling van skuld nadat die belegging in Exxaro Resources Beperk verkoop is. Air Products en Wispeco se bydrae tot wesensverdiensle het onderskeidelik R142 miljoen en R62 miljoen bedra (2016: R151 miljoen en R90 miljoen), terwyl PGSI R16 miljoen tot Remgro se wesensverdiensle bygedra het (2016: R25 miljoen).

## Infrastruktuur

Grindrod se bydrae tot Remgro se wesensverdiensle het 'n verlies van R52 miljoen (2016: 'n verlies van R18 miljoen) bedra, hoofsaaklik as gevolg van voorraadwaardedalinge in die spoorwegmonteerbesigheid weens die sluiting van dié besigheidseenheid. Die afname is deels teengewerk deur beter resultate van kernbesighede hoofsaaklik as gevolg van verhoogde kommoditeitsaanvraag en stewiger droëvrag-

verskepingstariese. Vir die tydperk onder oorsig het die CIV-groep R32 miljoen tot wesensverdienste bygedra (2016: R44 miljoen). Hierdie afname is hoofsaaklik te wyte aan hoër finansieringskoste en waardevermindering as gevolg van die uitbreidende netwerk, asook laer geëkwiteerde inkomste weens die verkoop van die CIV groep se belegging in Dartcom SA Eiendoms Beperk. Remgro se deel van SEACOM se wins het R32 miljoen (2016: 'n verlies van R18 miljoen) bedra. Hierdie toename is hoofsaaklik te danke aan verbeterde resultate in Suid-Afrika en Kenia, sowel as 'n eenmalige realisasie van uitgestelde inkomste wat verband hou met die vroeë beëindiging van langtermynkontrakte.

### **Media en sport**

Media en sport bestaan hoofsaaklik uit die belange in eMedia Investments en verskeie sportbelange, waaronder die belange in rugby-franchises, sowel as die Stellenbosch Academy of Sport. eMedia Investments se bydrae tot Remgro se wesensverdienste het tot R3 miljoen (2016: R33 miljoen) afgeneem. Die afname is hoofsaaklik te wyte aan 'n wesentlike afname in lisensie-inkomste weens 'n heronderhandelde DStv-ooreenkoms.

### **Ander beleggings**

Die bydrae van ander beleggings tot wesensverdienste het R29 miljoen (2016: R39 miljoen) bedra, waarvan Business Partners se bydrae R29 miljoen (2016: R23 miljoen) was.

### **Sentrale tesourie en ander netto korporatiewe koste**

Finansieringsinkomste het R259 miljoen (2016: R105 miljoen) bedra. Hierdie toename is hoofsaaklik die gevolg van hoër gemiddelde kontantbalanse as gevolg van Remgro se regte-uitgifte in die vergelykende tydperk. Finansieringskoste het R452 miljoen (2016: R462 miljoen) bedra. Die positiewe billike waarde aanpassing van R134 miljoen (2016: R667 miljoen) hou verband met die daling in waarde van die omruilopsie van die omruilbare skuldbriewe. Ander netto korporatiewe koste het R60 miljoen (2016: R75 miljoen) bedra.

---